

**IZVJEŠTAJ O  
RADU SLUŽBE ZA PRIVREDU, BUDŽET I FINANSIJE  
ZA PERIOD JANUAR-JUNI 2018. GODINE**

Služba za privredu, budžet i finansije, u okviru svoje nadležnosti, prati zakone i druge propise iz oblasti privrede, turizma i ugostiteljstva i stara se o njihovoj dosljednoj primjeni. Provođi utvrđenu politiku iz oblasti za koje je obrazovana, vodi upravni postupak i izrađuje nacрте propisa i drugih općih i pojedinačnih akata, vodi propisane službene evidencije, te izdaje uvjerenja o činjenicama na osnovu tih evidencija. Prati stanje, rješava u upravnim stvarima i vodi registar u oblasti samostalnog obavljanja privrednih djelatnosti. Prati stanje o privrednim i poljoprivrednim resursima općine i predlaže mjere za poboljšanje stanja u tim oblastima; vrši poslove registracije poljoprivrednih gazdinstava, realizuje programe podsticaja u poljoprivrednoj proizvodnji i zaštiti šuma, bilja i životinja; izrađuje prijedloge planova iz oblasti poljoprivrede i prati realizaciju istih i druge administrativne poslove iz djelokruga privrede.

U okviru Službe, kao unutrašnja organizaciona jedinica, djeluje Odsjek za budžet i finansije. Ključni poslovi Odsjeka za budžet i finansije jesu: planiranje okvirnog i godišnjeg budžeta općine; praćenje i izvještavanje o izvršenju budžeta ( mjesечно, kvartalno i godišnje); knjigovodstveni i računovodstveni poslovi Općine, poslovi javnih nabavki i drugi poslovi vezani za finansijsko i materijalno poslovanje.

U okviru redovne djelatnosti odsjeka za budžet i finansije provedene su sve zakonom predviđene aktivnosti na izradi i donošenju Okvirnog budžeta općine Gradačac za period 2019.-2021.godine, kao i aktivnosti na pripremi i izradi Budžeta općine za 2019.godinu.

Budžet za 2018.godinu usvojen je do 31.12.2017.godine što je omogućilo kontinuitet u provođenju ekonomske politike. Provedene su i sve planirane aktivnosti vezane za praćenje izvršenja budžeta u 2017.godini i prvih šest mjeseci 2018.godine. Radi usklađivanja planiranih prihoda i primitaka i rashoda i izdataka tj. uravnoteženja budžeta u prvih šest mjeseci tekuće godine urađena su 3 rebalansa budžeta.

Izvještavanje nadležnih organa ( kolegij općinskog načelnika, općinsko vijeće, Ministarstvo finansija) o izvršenju budžeta vršeno je u skladu sa odredbama zakona o budžetima u F BiH Programom rada općinskog načelnika i Općinskog vijeća. Svi izvještaji su pripremljeni i dostavljeni u predviđenim rokovima.

Knjigovodstveni poslovi su obavljani u skladu sa Pravilnikom o knjigovodstvu budžeta u F BiH i predstavljaju osnov za izradu svih potrebnih izvještaja.

Poslovi javnih nabavki urađeni su u skladu sa zakonom propisanim procedurama. U toku prvih šest mjeseci tekuće godine provedeno je 38 postupaka javne nabavke. Poništeno je 9 postupaka javne nabavke, a razlog poništenja su: nedovoljan broj prispjelih ponuda; nepotpuna dokumentacija ponuđača; veća vrijednost ponude od predviđene vrijednosti nabavke; neprecizno vrednovanje nabavke po lotovima.

Poslovi i zadaci pružanja usluga građanima ( izdavanje odobrenja za obavljanje obrtničke djelatnosti iz oblasti trgovine, ugostiteljstva i saobraćaja; izdavanje uvjerenja na osnovu službenih evidencija za registraciju vozila i uvjerenja za potrebe Centra za socijalni rad ), u proteklih šest mjeseci urađeni su u skladu sa zakonskim propisima koji regulišu navedene djelatnosti i u skladu sa Zakonom o upravnom postupku. U toku prvog polugodišta riješeni su svi podnešeni zahtjevi u zakonskom roku.

U oblasti poljoprivredne proizvodnje aktivnosti su bile usmjerene na praćenje realizacije usvojenih programa poljoprivredne proizvodnje, poslove i aktivnosti koji proizilaze iz Zakona a koji su stavljeni u u nadležnost općine, izradu programa i planova proletne sjetve i žetve i izvještavanje nadležnih o provođenju istih. Također su vođene su aktivnosti na obnovi i upisu novih poljoprivrednih gazdinstava ,a posebno na realizaciji pdsticajnih mjera propisanih federalnim i kantonalnim propisima.